



CENTRALE BANK VAN ARUBA

Turismo ta reforza e economia den e prome seis luna di 2018

Comunicado di Prensa¹

14 di december, 2018

Awe Banco Central di Aruba (BCA) ta publica “State of the Economy” pa e prome dos trimesternan di 2018. E publicacion aki ta duna un sinopsis di e desaroyonan economico local y internacional di e periodo aki. E puntonan mas importante ta presenta abou, incluyendo un resumen di e indicadornan economico principal.

Compara cu 2017, actividadnan economico di Aruba ta parece di tabata marginalmente mihor den e prome seis luna di 2018. Indicadornan turistico disponibel ta muestra un desaroyo positivo consistente ya cu e cantidad di turista, bishitante di crusero, anochi hospeda, pero tambe ocupacion di hotel y entrada hotelero a demonstra cifranan fuerte di crecimiento. Tambe, ingresonan turistico raporta pa banconan comercial a marcha bon den e prome seis luna di 2018

E bon desaroyo den turismo, sinembargo, a wordo mitiga pa resultadonan mixto di indicadornan di consumo y inversion. Di un banda, confiansa di consumidor a bira mas negativo, mientras confiansa di empresanan a cay. Di otro banda, entradanan di impuesto relata na consumo a crece, tabata tin varios proyectonan di inversion grandi andando, y e balor di hipotecanan a subi. Importacion a crece significativamente den casi tur categoria, relata mas tanto na demanda di turistanan y proyectonan di inversion grandi. Combina cu un caida den exportacion (no-turismo), e subida di importacion ta significa un deterioro den e deficit comercial.

Inflacion a conoce un desaroyo di aumento den e prome mita di 2018 resultando den un tasa di inflacion anual di 3,4 por ciento na juni. Prijs di gasolin a subi cu un averahe di 10,6 por ciento den e prome dos trimesternan di 2018. Prijsnan di fruta a experencia un incremento di 4,0 por ciento di januari pa februari 2018 (luna compara cu luna) relata na e ciere di e frontera Venezolano pa comercio cu Aruba. Inflacion ta anticipa pa sigui subi, debi na e subida di e BBO y e BAZV desde 1 di juli 2018.

¹ E original na Ingles ta prevalece.

Placa den circulacion a crece te cu Afl. 4.330,7 miyon na final di juni 2018. Esaki a causa di un expansion di Afl. 126,2 miyon di credito na e sector publico resultando di un compra di bono di gobierno door di banconan comercial. E desaroyonan den e posicion di reserva di divisa neto a keda riba e normanan tradicional monitoria pa e Comision di Maneho Monetario (CMM) di BCA. Reservanan a permanece adecuada den e prome dos trimesternan di 2018. Credito domestico extendi na e sector priva a expande cu 0,8 por ciento na Afl. 3.159,2 miyon na fin di e di dos trimester di 2018 compara cu e di cuatro trimester di 2017.

E deficit financiero (a base efectivo) di Gobierno di Aruba a mehora te na Afl. 2,9 miyon, of -0,1 por ciento di PDB, pa e prome mita di 2018. Entradanan a muestra un crecimiento significativo, subiendo cu 10,9 por ciento (+Afl. 65,7 miyon), compara cu e prome mita di 2017. Expansionnan, tanto den entradanan di impuesto como entradanan no relata na impuesto tabata e empuhenan principal di e crecimiento den entrada. Mihor cumplimiento a yuda fortifica e coleccion di entrada di impuesto, yuda den cierto grado tambe pa e esfuerzo continuo di e Oficina di Impuesto pa colecta impuesto atrasa. E salto den entradanan no relata na impuesto ta atribui pa mayor parti na entrada di dividendo mas halto di companianan estatal (+Afl. 49,6 miyon). Gastonan a cay un poco cu Afl. 4,9 miyon te na Afl. 675,2 miyon den e periodo bou repaso, ya cu gastonan di Fondo di Desaroyo a para cu terminacion di e fondo. Debe di gobierno a yega Afl. 4.178,9 miyon. Como resultado, e tasa di e debe-na-PDB a yega 85,6 por ciento na final di e periodo, 1,2 punto di porcentahe mas abou cu na final di 2017.

Tabel: Indicadornan economico principal pa e prome dos trimesternan di 2018

Indicador	2017 jan-jun	2018 jan-jun	Cambio
Entrada hotelero pa camber disponibel (US\$)	224	252	28
Cantidad di turista (number)	526.743	540.377	13.634
Bishitante di crucero (number)	435.137	437.245	2.108
Permiso di construccion (Afl. miyon)	313	162	-151
Importacion di machinaria y equipo electrotecnico (Afl. miyon)	145,0	162,8	17,8
Entrada di benta di negoshi (BBO) (Afl. miyon)	52,3	55,0	2,7
Impuesto riba entrada y ganashi (Afl. miyon)	244,3	258,1	13,9
Tasa di inflacion, promedio anual (porcentahe)	-0,4	0,8	1,3
Indice di confiansa di consumidor (di dos trimester, punto di indice)	94,4	93,8	-0,6
Tasa debe-na-PDB di gobierno	88,1	85,6	-2,5

Fuentenan: BCA, AHATA, ATA, CBS.

E publicacion completo ta disponibel riba BCA su website (www.cbaruba.org).